

Bericht Zell! 09.02.2016

Z'Zäu isch s'Neue Motto: Ersoffe!

Mir hei üs pünktlech am chli vorem Sächsi z'Zäu hinger der Martinshau igfunge und diräkt nachem Bums gad losgleit, das het der Petrus grad so gfreut, dass er e Rägepouse igleit het. D'Würkig isch aber nid vo langer Duur gsi und mit Blitz und Donner und no meeee Räge hei mer fasch chli erfrore Schutz im Time out gsuecht (dr Bar- Ungerstang isch äbe nid igmacht gsi und der Hütze- Barwage e chli z'chlin für üs aui).

Dert isch d'Ste uf der Suechi nach Zigis ir letschte Sekunde äme Zigioutomat usgwiche für d'Lies z'froge obs ächt do ou Zugis git?

Ir Lounge zwüsche de Froschtituierete Fäumäntu si mir bi Ovi und Baguett wider chli erwarmet, s'Sährli het derwile Winterschlof ghaut.

Du ju löööööv mi wup wup! Vor luter Dirty Dancing het s'Möni gad s'Gfüeu ga mi Troummaa sig ou ire und d' Song- Lische für d'MuKo isch um es paar 80er Jahr Hits erwiteret worde.! Jo Langeweile macht äbe doch kreativ! Nach zwe Stung wo aber düre si wie nume ei Stung si mir du ömu chli ufgwärmter und es birebizeli trochener zu üsem Abschlusskonzärt no mou zur Halle hingere und hei gäge Wind und Wätter agspiut aus wäre mer 50i!

Für mi isch dä Obe nächär z'Änd gsi, aber ig danke aune wo no tafer usghaute hei und de Hüze zue glost hei und aune wo mit mir a däm Obe „ersoffe“si!

Trotz Wätter hets gfägt und ischs Geil gsi e Gaugesumpfer z'si!

Gruss Dagmar Franz